



Kommunar med statsallmenning

Oslo, 30.10.2018
Ref., Motorferdsel

Kompetanse til å regulere motorisert ferdsel på statsallmenning samt kompetanse til å gje løyve til etablering av snøscooterløyper for rekreasjonskjøring på statsallmenning

I 2015 vart lov om motorisert ferdsel i utmark og vassdrag, samt forskrift for bruk av motorkjøretøyer i utmark og på islagte vassdrag endra. Endringane medførte at det bl.a. vart innført adgang til å fastsette snøscooterløyper for rekreasjonskjøring. Kompetansen blei lagt til kommunen.

I samband med fastsetting av snøscooterløyper skal det innhenta løyve frå grunneigar, jf. forarbeida til dei vedtatte endringane og motorferdselslova § 10. På statsallmenning er kompetansen til å gje løyve lagt til fjellstyra jf. fjellovas § 12, 3. ledd.

I samband med endringane i lov og forskrift vedk. motorisert ferdsel, vart det også gjort ei endring i fjellova:

«Det foreslås endringer i fjellova for å gi fjellstyrene adgang til å forby eller begrense motorferdsel i statsallmenninger. Det foreslås at fjellstyrenes kompetanse skal gjelde all motorferdsel i statsallmenninger, ikke bare tillatelse til snøscooterløyper og bruk av snøscooter»

Bakgrunnen for endringsforslaget var bl.a. at dette vart sett på som ein naturleg konsekvens av dei interesser og oppgåver fjellstyra er satt til å forvalte i desse områda (landbruk, jakt, fangst og fiske mv), og at retten til lokal medbestemming også tilseier at fjellstyra har samtykkekompetansen.

I lovvedtaket (Lovvedtak 69 (2014-2015) står følgende:

I lov 6. juni 1975 nr. 31 om utnytting av rettar og lunnende m.m. i statsallmenningane (fjellova) gjøres følgende endringer:

§ 10 andre ledd andre setning skal lyde:

Vedtak etter §§ 12 og 16 kan ikkje påklagast til departementet.

§ 12 tredje ledd skal lyde:

Rett til å forby eller redusere motorferdsel i statsallmenning for andre enn Statskog SF ligg til fjellstyret. Før fjellstyret tek avgjerd, skal Statskog SF, og i tilfelle allmenningsstyret, ha hatt høve til å kome med fråsegn i saka.

Overføring av samtykkekompetanse frå grunneigar til fjellstyra til å regulere motorisert ferdsel på statsallmenning medfører at lokalt fjellstyre skal kontaktast i samband med forslag om oppretting av snøscooterløyper og i samband med søknad om dispensasjon til motorisert ferdsel, når denne aktiviteten skal føregå på statsallmenning.

Spesielt om snøscooterløyper:

NFS og grunneigar Statskog SF har saman utarbeidd ein mal som bør brukast i samband med samtykke til etablering av snøscooterløyper på statsallmenning. Malen ligg vedlagt.

Det skal bemerkast at NFS og Statskog SF har ulikt syn på konsekvensen av endringa av fjellovas § 12 som kan oppsummerast slik:

Utgangspunktet for diskusjonen er fjellovas §12 andre og tredje ledd:

«Grunndisponering kan berre føretakast av departementet eller med løyve frå departementet, med mindre anna **er særskilt fastsatt**. Før departementet tek avgjerd kan fjellstyret og i tilfelle allmenningsstyret ha hatt høve til å kome med fråsegn i saka.

«Rett til å forby eller redusere motorferdsel på statsallmenning for andre enn Statskog SF ligg til fjellstyret. Før fjellstyret tar avgjørelse, skal Statskog SF, og i tilfelle allmenningsstyret, ha hatt høve til å kome med fråsegn i saka».

NFS meiner at §12 tredje ledd gjev fjellstyra rett til å samtykke til motorferdsel og at det også gjev fjellstyra mynde til å inngå avtaler om skuterløyper. Dette er **særskilt fastsett** i nytt 3. ledd i § 12 i fjellova.

«Statskog mener at en snøskuterløype skal håndteres som grunndisponering etter § 12 andre ledd hvor Statskog SF som grunneier skal inngå slike avtaler».

Statskog vil altså ikkje akseptere NFS si tolking av § 12, 3. ledd. Som ei kompromissløyving har NFS og SSF laga eit felles avtalesforslag der både fjellstyre og Statskog skriv under avtalen med tilretteleggar i samband med snøscootertrasear.

Det framkjem elles av fjellovas § 12, 3. ledd at før fjellstyret tek avgjerd, skal Statskog SF, og i tilfelle allmenningsstyret, ha hatt høve til å kome med fråsegn i saka.

Med helsing

Norges Fjellstyresamband

Jan Borgnes (s)

Dagleg leiar